

Grad Novi Pazar
Skupština grada
Odbornička grupa SDA Sandžaka
Novi Pazar
4. maj 2022. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O STANJU ŽIVOTNE SREDINE NA TERITORIJI GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 5. maja 2022. godine.

Ovlašteni predstavnik Odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe
Ahmedin Škrijelj

PRIJEDLOG

Na osnovu člana 20. stav 1. tačka 8), člana 32. stav 1, tačka 20) Zakona o lokalnoj samoupravi („Sl. glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 76. stav 3. i 4, člana 77. i člana 78. Zakona o zaštiti životne sredine („Sl. glasnik RS“, br. 135/2004, 36/2009, 36/2009 - dr. zakon, 72/2009 - dr. zakon, 43/2011 - odluka US, 14/2016, 76/2018, 95/2018 - dr. zakon i 95/2018 - dr. zakon), člana 42. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 5. maja 2022. godine donosi

ODLUKU O DOSTAVLJANJU IZVJEŠTAJA O STANJU ŽIVOTNE SREDINE NA TERITORIJI GRADA NOVOG PAZARA

Član 1.

Obavezuje se Gradsko vijeće grada Novog Pazara da Skupštini grada Novog Pazara podnese izvještaj o stanju životne sredine na teritoriji grada Novog Pazara u skladu sa Zakonom o životnoj sredini.

Gradsko vijeće grada Novog Pazara izvještaj iz stava 1. ovog člana podnijet će u roku od 30 dana od dana stupanja na snagu ove odluke.

Član 2.

Ovu odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, _____. _____. 2022. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov:

Pravni osnov za donošenje ove odluke sadržan je u:

- članovima 20. stav 1. tačka 8) i 32. stav 1, tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- člana 76. stav 3. i 4, člana 77. i člana 78. Zakona o zaštiti životne sredine („Sl. glasnik RS“, br. 135/2004, 36/2009, 36/2009 - dr. zakon, 72/2009 - dr. zakon, 43/2011 - odluka US, 14/2016, 76/2018, 95/2018 - dr. zakon i 95/2018 - dr. zakon);
- članu 42. Statuta grada Novog Pazara („Službeni list grada Novog Pazara“, broj 6/19);
- članu 137. Poslovnika Skupštine grada Novog Pazara („Službeni list grada Novog Pazara“, broj 6/19);

Razlozi za donošenje odluke:

Zakon o lokalnoj samoupravi propisuje da se lokalna samouprava stara o životnoj sredini. Zakonom o zaštiti životne sredine utvrđena je obaveza jedinice lokalne samouprave da podnosi periodične izvještaje o stanju životne sredine na teritoriji te lokalne samouprave, kao i da takve izvještaje objavljuje u svojim službenim glasilima.

Izvještaj, na osnovu Zakona, sadrži naročito podatke o:

- 1) stanju i promjenama stanja u životnoj sredini na osnovu podataka i informacija dobijenih praćenjem odgovarajućih indikatora;
- 2) sprovođenju Strategije, Nacionalnog programa i akcionih planova;
- 3) sanacionim planovima i drugim preduzetim mjerama;
- 4) finansiranju sistema zaštite životne sredine;
- 5) drugim podacima značajnim za upravljanje prirodnim vrijednostima i zaštitom životne sredine.

Organi jedinice lokalne samouprave dužne su, na osnovu Zakona, da redovno, blagovremeno, potpuno i objektivno, obavještavaju javnost o stanju životne sredine, odnosno o pojavama koje se prate u okviru monitoringa nivoa zagađujuće materije i emisije, kao i mjerama upozorenja ili razvoju zagađenja koja mogu predstavljati opasnost za život i zdravlje ljudi. Pristup informacijama o životnoj sredini ostvaruje se u skladu sa zakonom kojim se uređuje pristup informacijama od javnog značaja.

Organ lokalne samouprave je dužan da bez odlaganja obavijesti javnost putem sredstava javnog informisanja ili na drugi odgovarajući način o postojanju opasnosti po život i zdravlje ljudi, životnu sredinu ili materijalna dobra, bez obzira da li je opasnost prouzrokovana ljudskom aktivnošću ili je posljedica prirodnih pojava. U slučaju nepostupanja ili neadekvatnog i neblagovremenog postupanja u skladu sa zakonskomobavezom, organi javne vlasti odgovaraju po opštim pravilima za naknadu štete.

Izveštaj mora obuhvatiti podatke o stanju i promjenama stanja u sljedećim oblastima:

- kvalitet vazduha,
- kvalitet voda,
- komunalnu buku,
- zemljište,
- zaštićena prirodna dobra,
- zelene površine,
- upravljanje otpadom,
- procjena uticaja planova i projekata na životnu sredinu,
- lokalni registar izvora zagađivanja životne sredine,
- energetska efikasnost.

Izveštaj mora predstavljati, zbog svoje kompleksnosti i sveobuhvatnosti kroz primjenu indikatora stanja životne sredine, najbitniji dokument iz ove oblasti koji je namijenjen kako donosiocima odluka u oblasti zaštite životne sredine tako i stručnoj i širokoj javnosti.

Izveštaj o stanju životne sredine na teritoriji grada Novog Pazara treba sadržati relevantne podatke i informacije utemeljene na zvaničnim podacima državnih institucija, naučnih i stručnih organizacija i drugih učesnika nadležnih za praćenje stanja pojedinih medijuma životne sredine. Očekivani efekti donijetih mjera od strane državnih organa i lokalne samouprave moći će da se prate na osnovu monitoringa svih činilaca životne sredine u narednim izvještajima.

Objašnjenje pojedinačnih rješenja propisanih ovom odlukom:

Član 1. Utvrđen je predmet odluke te propisan rok za njeno izvršenje.

Član 2. Propisana je obaveza objavljivanja ove odluke u „Službenom listu grada Novog Pazara“.

Finansijska sredstva potrebna za realizaciju ove odluke nisu potrebna